

INUIT ATAQATIGIIT

Inatsisartuni



25. november 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

Naalakkersuisunut apeqquut:

- 1. Peqqinnissaqarfimmi sulisunut utaqqiisaagallartumik inissiisarnermut tunngatillugu maannamut isumaqatigiissutaasimasoq atorunnaarseriarlugu Peqqinnissaqarfimmi Aqutsisoqarfiup pisortaasa qullerpaat ilaqutaanut qaninnerpaamut attartortitsisarneq pillugu isumaqatigiissusiortoqarsimanersoq ilumoornersoq ilumuunnginnersorluunniit Naalakkersuisut akisinnaavaat?**
- 2. Atorfinnut inuttassarsiuunneqartunut atorfeqartitaanermullu allatigut tunngatillugu nunaqavissut aammalu nunaqavissunut qanittumik inissisimasut immikkoortitaasarnerat ilumoornersoq ilumuunnginnersorluunniit Naalakkersuisut akisinnaavaat?**
- 3. Apeqquummut 2-mut akissut naammiuppat: Nunaqavissut Peqqinnissaqarfimmi atorfeqartut immikkoortitaasarsimangippat tamanna Naalakkersuisut qanoq uppersarsinnaavaat?**
- 4. Peqqinnissaqarfimmi illup iluani isumaqatigiissutit sulisut kattuffii isumaqatiginninniaqqaarnagit oqaloqatigeqqaarnagilluunniit atortussaajunnaarsinneqarsimanersut / atorunnaarsinneqarsimanersut ilumoornersoq ilumuunnginnersorluunniit Naalakkersuisut uppersarsinnaavaat?**
- 5. Apeqquummut 4-mut akissut aappiuppat: Peqqinnissaqarfimmi illup iluani isumaqatigiissutit atortussaajunnaarsinneqarsimanerat / atorunnaarsinneqarsimanerat pillugu Naalakkersuisut akuutinneqarsimanersut pillugu ilumoornersoq**

ilumuunnginnersorluunniit Naalackersuisut uppersarsinnaavaat?

(Inatsisartuni ilaasortaq Sofia Geisler, Inuit Ataqtigiit)

Tungavilersuut:

Peqqinnissaqarfimmi ulluinnarni pisut pillugit sulisut oqaluttuarisaat tusagassiuutitigut malinnaaffigisinnaasagut maluginngitsuugassaangillat, inuillu sulisut saaffiginnissutigisartagaat ima imaannaanngitsigisunik imaqarput allatut ajornartumik qulaani apeqqutit Naalackersuisunut apeqqutigisariaqalersimallugit.

Oqaluttuarineqartut ima imaannaanngitsigisunik imaqarput isumaqarlunga Naalackersuisut innuttaasunut ilisimatitsisariaqartut nunaqavissunik taakkunungaluunniit qanittumik inissimasunik immikkoortitsineq oqaluttuarineqartutuut ilumut pinersoq. Aningaasanut Inatsit aqqutigalugu akuersissutigineqartut Peqqinnissaqarfimmullu atugassanngortinneqartut siunertaq naapertorlugu atortinneqarnersut ilisimasariaqarparput, tassalu innuttaasunut iluaqutissanngortinneqarlutik, tamannalu qaqugukkulluunniit peqqinnissaqarfimmi aqutsisuusut aamma isumagisussaavaat.

Kissaatigivara apeqqutikka ullut suliffiusut qulit qaangiutinnginneranni akineqarnissaat.